



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTRZ 0024900 23

Datum: 21.01.2025. godine

Sudu Bosne i Hercegovine
Sudiji za prethodno saslušanje

Na osnovu člana 35. stav 2. tačka i), člana 226. stav 1. i člana 227. stav 1. Zakona o krivičnom postupku Bosne i Hercegovine (ZKP BiH) podižem

Optužnicu

Protiv:

Blagojević Vidoje, rođen 1950. godine u Slapašnica – općina Bratunac, državljani Bosne i Hercegovine i Republike Srbije,

- vodi se krivični postupak pred Sudom BiH pod br. S1 1 K-047172 24 Kri zbog krivičnog djela „Zločini protiv čovječnosti” iz člana 172. KZ BiH,
- osuđivan:
- Presudom Međunarodnog suda za krivično gonjenje osoba odgovornih za teška kršenja međunarodnog humanitarnog prava počinjena na teritoriji bivše Jugoslavije od 1991. godine br. IT-02-60-A - Tužilac protiv Vidoja Blagojevića i predmet br. IT-02-60-T, od 17.01.2005. i 09.05.2007. godine, na kaznu od petnaest godina zatvora;

Matić Vlado zv. Vladan, rođen 1966. godine u Kozluku, državljani Republike Srbije i Bosne i Hercegovine

3. Studen Branko, rođen 1963. u Donji Agići – Bosanski Novi, državljani Bosne i Hercegovine,

- vodi se predmet na Sudu BiH zbog krivičnog djela „Zločini protiv čovječnosti“ br. S1 1 K 031210 19 Krn;

Drašković Miodrag zv. „Zuzi“ i „Mušica“, rođen 1963. godine u Loznica - Republika Srbija,

državljanin BiH i Republike Srbije,

Ivanić Miladin, rođen 1966. godine u Loznici – Republika Srbija,

državljanin Bosne i Hercegovine,

Stojanović Cvjetko zv. „Čečo“, rođen 1964. godine u Donjoj Pilici – općina Zvornik,

Bosne i Hercegovine,

državljanin

Što su:

U periodu od 31.05.1992. godine do 25.06.1992. godine na području općine Zvornik, za vrijeme rata u Bosni i Hercegovini i u vrijeme oružanog sukoba između Vojske Republike Srpske (VRS) i Armije Republike Bosne i Hercegovine (Armija R BiH) na području općine Zvornik, te u vrijeme širokog i sistematičnog napada vojnih, paravojnih i policijskih snaga tzv. Srpske republike BiH, a potom Republike Srpske, usmjerenog protiv civilnog muslimanskog stanovništva općine Zvornik, a koji napad je trajao od 08.04.1992. godine pa najmanje do kraja augusta 1992. godine, znajući i za oružani sukob, ali i za širok i sistematičan napad te da njihove radnje čine dio tog napada, pa su tako:

1. Osumnjičeni Blagojević Vidoje, Studen Branko i Matić Vlado

U periodu od 05.06.1992. godine do 09.06.1992. godine, potpukovnik **Blagojević Vidoje** u svojstvu komandanta Zvorničke brigade VRS, **Studen Branko** u svojstvu pomoćnika komandanta za obavještajno-bezbjedonosne poslove Zvorničke brigade VRS, i **Matić Vlado** u svojstvu komandira čete Vojne policije Zvorničke brigade VRS, postupajući u suprotnosti sa pravilima međunarodnog humanitarnog prava, kršeći odredbe zajedničkog člana 3. Ženevskih konvencija od 12.08.1949. godine, zatim odredbe člana 147. Ženevske konvencije o zaštiti civilnih lica za vrijeme rata od 12.08.1949. godine, kao i člana 4. stav 2. tačka a) i e), Dopunskog protokola II uz Ženevske konvencije, svjesno i voljno, preko podređenih pripadnika Vojne policije Zvorničke brigade VRS **nezakonito zatvorili** oko 400 – 500 muslimanskih civila u **nečovječnim uslovima** u prostorijama Doma kulture u Pilici, i to tako da nakon što je komandir Karakajske čete [redacted] otišao kod komandanta Zvorničke brigade VRS, potpukovnika **Blagojević Vidoje**, i izvjestio ga o maltretiranju i ubistvima zatvorenih muslimanskih civila u TŠC u Karakaju, potpukovnik **Blagojević Vidoje** je izmjestio preživjele zarobljenike iz TŠC-a u Karakaju u Dom kulture u Pilici, i to tako da je Dom kulture u Pilici obišla delegacija u čijem je sastavu bio potporučnik **Studen Branko** – pomoćnik komandanta za obavještajno-bezbjedonosne poslove Zvorničke brigade VRS, te iako je prostorija kino sale u

Domu kulture u Pilici bila neuslovna za zatvaranje muslimanskih civila, oni su nakon toga tu zatvoreni tako što je dana 05.06.1992. godine u poslijepodnevnom satima, ispred prostorija „Standarda“ u Karakaju u kome se nalazila komanda Zvorničke brigade VRS i komande vojne policije kao i u kome je bila smještena vojna policija Zvorničke brigade VRS, postrojeno je oko 20-ak pripadnika čete vojne policije Zvorničke brigade VRS, a među njima i vojni policajci [REDACTED] i drugi, koji su se zatim, po naredbi komandira čete vojne policije **Matić Vlade** u nekoliko vozila vojne policije i mini-busu uputili od zgrade komande Zvorničke brigade VRS i vojne policije u „Standardu“ do oko jedan kilometar udaljenog TŠC-a u Karakaju sa zadatkom da učestvuju u obezbjeđenja transporta i zatvaranju muslimanskih civila iz TŠC-a u Karakaju u Dom kulture u Pilici, nakon čega se 20-ak vojnih policajaca rasporedilo oko TŠC-a u Karakaju i od ulaznih vrata TŠC-a do parkiranih autobusa, a zatim su zatvoreni muslimanski civili izvedeni iz TŠC-a od strane pripadnika vojne policije kao i pripadnika Karakajske čete te su ovi muslimanski civili protjerani kroz formirani špalir i utjerani u najmanje dva zglobna i dva obična gradska autobusa „Drinatrans“ Zvornik kao i na kamione, a neki od muslimanskih civila su pri tome tučeni te je jednog starijeg muslimana koji je rekao: „*Pobijediće islam*“ udario jedan vojni policajac kundakom puške u glavu, a zatim su po jedan ili dva vojna policajca naoružani automatskim oružjem bili u svakom od ovih autobusa držeći pod nadzorom muslimanske civile, a zatim su ih prevezli iz TŠC-a u Karakaju u Pilicu udaljenu oko 27 kilometara, a u pratnji su bili ostali vojni policajci koji su se prevezli u njihovom mini busu, kao i pojedini pripadnici Karakajske čete te policajci SJB Zvornik u policijskim vozilima sa upaljenim rotacionim svjetlima, a kada su stigli pred Dom kulture u Pilici, po naredbi pripadnika vojne policije zatvorili su muslimanske civile u kino-salu u okviru Doma kulture u Pilici, iako ovi muslimanski civili nisu nikad optuženi, suđeni niti osuđeni za bilo koje krivično djelo, niti su im omogućena proceduralna prava vezana za određivanje i dužinu trajanja zatvaranja, a koja sala je bila neadekvatna za smještaj oko 400-500 muslimanskih civila, u kojoj nije bilo WC-a niti vode za piće kao ni kreveta ili prostirke, u kojoj su zatvoreni civili bili zbijeni i jedva su imali prostora za disanje, te u kojoj je vladao nesnosan smrad, vladala je velika vrućina i bilo je zagušljivo, te su na taj način uzrokovali kod ovih muslimanskih civila velike patnje i ozbiljne psihičke povrede, nakon čega su se vojni policajci vratili u sjedište vojne policije i komande Zvorničke brigade VRS u prostorijama „Standarda“;

2. Osumnjičeni Ivanić Miladin, Stojanović Cvjetko zv. „Ćećo“, Drašković Miodrag zv. „Zuzi“ i „Mušica“, Matić Vlado i Blagojević Vidoje

Dana 08.06. i 09.06.1992. godine na području Pilice i na tzv. Gerinoj klaonici u Karakaju - općina Zvornik, **Drašković Miodrag zv. „Zuzi“ i „Mušica“**, Todorović Miladin zv. Đelat (preminuo) u svojstvu vojnih policajaca čete vojne policije Zvorničke brigade VRS, a [REDACTED], **Ivanić Miladin i Stojanović Cvjetko zv. „Ćećo“**, u svojstvu pripadnika III. bataljona Zvorničke brigade VRS, postupali suprotno pravilima međunarodnog humanitarnog prava, i to kršeći odredbe zajedničkog člana 3. stav 1. tačka a) Ženevskih konvencija od 12.08.1949. godine, člana 147. Ženevske konvencije o zaštiti civilnih lica za vrijeme rata od 12.08.1949. godine kao i odredbi Dopunskog protokola II uz Ženevske konvencije i to člana 4. i stav 2. tačka a), tako što su svjesno i voljno pomagali i učestvovali u ubistvu između 400 i 500 zatvorenih muslimanskih civila, na način da su [REDACTED]

[REDACTED] **Ivanić Miladin, Stojanović Cvjetko zv. „Ćećo“** i drugi pripadnici III. bataljona Zvorničke brigade VRS u periodu od 05.06.1992. godine do 08.06.1992. godine, čuvali zatvorenim oko 400 - 500 muslimanskih civila u kino sali Doma kulture u Pilici, a zatim su tokom 08.06. i 09.06.1992. godine vojni policajac Todorović Miladin zv. Đelat, zajedno sa drugim vojnim policajcima, a među njima i **Drašković Miodrag zv. „Zuzi“ i „Mušica“**, naredio ovim zatvorenim muslimanskim civilima da izlaze pojedinačno iz sale Doma kulture u Pilici i da se penju na dovezene kamione, a kada su neki od muslimanskih civila pokušali da pobjegnu,

spriječili su ih u tome te su ih tukli kundacima pušaka i vratili u red za penjanje na kamion pri čemu je Todorović Miladin zv. Đelat nožem ubadao one koji bi pokušali da izbjegnu penjanje na kamione, te su tokom 08.06. i 09.06.1992. godine u četiri ture prevezli zatvorene muslimanske civile na kamionima od Doma kulture u Pilici do tzv. Gerine klaonice u Karakaju, a vozač kamiona je bio i **Stojanović Cvjetko** zv. „Čečo“, a kako muslimanski civili ne bi pobjegli iz kamiona, u pratnji na tim kamionima ili u kombiju „Enikon“ iza kamiona koji je vozio **Ivanić Miladin**, bili su **Drašковиć Miodrag** zv. „Zuzi“ i „Mušica“, Todorović Miladin zv. Đelat, [REDACTED] naoružan puškomitraljezom, kao i drugi vojnici, te kada su muslimanske civile u turama dovezli ispred tzv. Gerine klaonice u Karakaju, u krug Gerine klaonice su na rikverc uvozili kamione, a zatim su **Drašковиć Miodrag** zv. „Zuzi“ i „Mušica“, Todorović Miladin zv. Đelat, [REDACTED], **Ivanić Miladin** i drugi vojnici ubijali muslimanske civile pucnjevima iz automatskog oružja i puškomitraljeza, i to tako da su zajedno neke muslimanske zatvorenike istjerali sa kamiona i uveli unutar prostorija Gerine klaonice gdje su ih ubili, a neke su ubili ispred prostorija Gerine klaonice, a one koji nisu htjeli da siđu sa kamiona ubili su na kamionima u krugu Gerine klaonice, a među ubijenim su bili i [REDACTED] kao i preostalih između 400 i 500 muslimanskih civila, te su ova ubistva preživjeli [REDACTED], te su na ovaj način ubili između 400 i 500 muslimanskih civila, čija tijela su tokom i neposredno nakon ubistava pregledali i identifikovali članovi Komisije za asanaciju bojišta te izvršili asanaciju terena i sahranili ih na različitim poznatim i nepoznatim lokacijama, a među njima i 69 ubijenih koji su sahranjeni u masovnu grobnicu na području Jardana - Grbavac (Berbića mezarje), kao i u primarnu masovnu grobnicu u Šahbegovićima, te drugim dosad neutvrđenim lokacijama, od kojih je primarna grobnica iz Šahbegovića izmješšana tokom 1995/1996. godine u sekundarnu grobnicu na Crni Vrh, tako da su u primarnoj grobnici u Šahbegovićima pronađeni dijelovi 93 ekshumirana tijela od kojih je 5 identifikovano, a u sekundarnoj grobnici na Crnom vrhu, od ukupno 629 pronađenih tijela (481 su bili kompletna tijela a 148 dijelovi tijela) 536 je identifikovano, a od ovih 536 identifikovanih, 422 lica su odvedena na Bijelom Potoku dana 01.06.1992. godine te više nikada nisu viđeni živi od kojih su 308 lica premještena iz primarnih grobnica na lokaciju Crni Vrh, dok oko 245 odvedenih i ubijenih lica još uvijek nije pronađeno odnosno identifikovano, a komandir čete Vojne policije Zvorničke brigade VRS, **Matić Vlado**, kao nadređena osoba je, suprotno pravilima međunarodnog običajnog prava kao i odredbama zajedničkog člana 3. stav 1. tačka a) Ženevskih konvencija od 12.08. 1949. godine, kao i članova 146. i 147. Ženevske konvencije o zaštiti civilnih lica za vrijeme rata od 12.08.1949. godine, te suprotno Naredbi Predsjednika Predsjedništva Srpske Republike BiH o primjeni pravila međunarodnog ratnog prava u Vojsci Srpske Republike BiH, propustio da preduzme nužne i razumne mjere s ciljem pokretanja postupka za kažnjavanje učinilaca navedenih ubistava jer je imao razloga da zna da se njemu podređeni pripadnici vojne policije Zvorničke brigade VRS učinili ova ubistva, a komandant Zvorničke brigade VRS, potpukovnik **Blagojević Vidoje**, kao nadređena osoba je, suprotno pravilima međunarodnog običajnog prava kao i odredbama zajedničkog člana 3. stav 1. tačka a) Ženevskih konvencija od 12.08. 1949. godine, kao i članova 146. i 147. Ženevske konvencije o zaštiti civilnih lica za vrijeme rata od 12.08.1949. godine, te suprotno Naredbi Predsjednika Predsjedništva Srpske Republike BiH o primjeni pravila međunarodnog ratnog prava u Vojsci Srpske Republike BiH, propustio da preduzme nužne i razumne mjere s ciljem pokretanja postupka za kažnjavanje učinilaca navedenih ubistava jer je imao razloga da zna da se njemu podređeni pripadnici vojne policije i III. bataljona Zvorničke brigade VRS učinili ova ubistva;

Čime su počinili:

krivično djelo „Zločini protiv čovječnosti“ iz člana 172. stav 1. i to:

- osumnjičeni **Blagojević Vidoje**:

1. tačka e) (*zatvaranje ili drugo teško oduzimanje fizičke slobode suprotno osnovnim pravilima međunarodnog prava*) i tačka k) (*druga nečovječna djela slične prirode, učinjena u namjeri nanošenja velike patnje ili ozbiljne fizičke ili psihičke povrede ili narušenja zdravlja*), u vezi sa članom 29. (saučiniteljstvo), članom 31. (pomaganje) i članom 180. stav 1. Krivičnog zakona BiH, opisano pod tačkom 1. ove optužnice;
 2. tačka a) (*lišenje druge osobe života (ubistvo)*) sa članom 180. stav 2. Krivičnog zakona BiH, opisano pod tačkom 2. ove optužnice;
- osumnjičeni **Matić Vlado**:
 1. tačka e) (*zatvaranje ili drugo teško oduzimanje fizičke slobode suprotno osnovnim pravilima međunarodnog prava*) i tačka k) (*druga nečovječna djela slične prirode, učinjena u namjeri nanošenja velike patnje ili ozbiljne fizičke ili psihičke povrede ili narušenja zdravlja*), u vezi sa članom 31. (pomaganje) i članom 180. stav 1. Krivičnog zakona BiH, opisano pod tačkom 1. ove optužnice;
 2. tačka a) (*lišenje druge osobe života (ubistvo)*) sa članom 180. stav 2. Krivičnog zakona BiH, opisano pod tačkom 2. ove optužnice
 - osumnjičeni **Studen Branko** - tačka e) (*zatvaranje ili drugo teško oduzimanje fizičke slobode suprotno osnovnim pravilima međunarodnog prava*) i tačka k) (*druga nečovječna djela slične prirode, učinjena u namjeri nanošenja velike patnje ili ozbiljne fizičke ili psihičke povrede ili narušenja zdravlja*), u vezi sa članom 31. (pomaganje) i članom 180. stav 1. Krivičnog zakona BiH, opisano pod tačkom 1. ove optužnice
 - osumnjičeni **Drašковиć Miodrag** zv. „Zuzi“ i „Mušica“ - tačka a) (*lišenje druge osobe života (ubistvo)*) i to u vezi sa članom 29. (saučiniteljstvo) i članom 180. stav 1. Krivičnog zakona BiH, opisano pod tačkom 2. ove optužnice;
 - osumnjičeni **Ivanić Miladin** - tačka a) (*lišenje druge osobe života (ubistvo)*) i to u vezi sa članom 29. (saučiniteljstvo) i članom 180. stav 1. Krivičnog zakona BiH, opisano pod tačkom 2. ove optužnice;
 - osumnjičeni **Stojanović Cvjetko** zv. „Ćećo“ - tačka a) (*lišenje druge osobe života (ubistvo)*) i to u vezi sa članom 31. (pomaganje) i članom 180. stav 1. Krivičnog zakona BiH, opisano pod tačkom 2. ove optužnice.

Tužilac Tužilaštva BiH:
